

http://yoldash.ru/articles/science/ana_tillege_bag_yshlandy/

Ана тиллеге багъышланды | 20.11.2015 13:31

Ноябр айны 17-синде Магъачкъаладагъы ДГУ-ну филология факультетинде ана тиллеге багъышлангъан биринчи республика фестиваль оьтгерилди. ДГУ-ну ректору М. Рабаданов фестивалны ачды ва юрютдю. Биринчилей сьз ДР-ни милли политикагъа кьарайгъан министри Татьяна Гамалейге берилди.



Бу фестиваль ана тиллени якъламакъ учун оьтгерилегенни айта туруп, ол маълумат кьуралларда, айрокьда милли газетлерде ана тиллени масъалалары гетерилегенни разилик булан эсгерди. Дагъыстан Республиканы Башчысы да бизин республикада тиллени сакълавну ва оьсдюрювге айрыча тергев бергенни айтды. Озью ёлбашчылыкь этеген министерлик де Дагъыстанда ана тиллени политикасыны концепсиясын онгаргъанны ва арагъа салып ойлашывгъа бергенни эсгерди.

Печатны ва маълумат кьуралланы министри Азнавур Гьажиев:

– Ана тилни бугюн унутсакъ, тангала яшларыбыз бизин кьартлар сакъланагъан уйге элтип салажакъ. Гележекде сизин де, – деди ол, зал толгъан студентлеге кьарап. – Ана тил тарыкъмы деген сорав тувулунмагъа да тюшмей. Шо ана тарыкъмы деген сорав булан тенг бола. Демек, шолай сорав тувулунма болмай. Яшавгъа чыгъагъан сорав тюгюл. Агълюде, яслиде, школада ана тилде сьйленмей, охулмай буса, ана тилде чыгъагъан газетлени де, китапланы да охума адам

болмажакъны унутма тюшмей. Гъакимият ва ерли муниципалитетлер бу масъаланы тергевню тюбюнде сакълама ва якълама герек. Ана тилимде Къзакъны, Анварны, Бадрутдинни шиъруларын охусам, ана тилни татлилизин сеземен, бютюнлей башгъа, яхшы гъалгъа тюшемен. Бизин ата-бабаларыбыз 5–6 тилни биле болгъанлар. Оланы насигъатларын унутмайыкъ. Ана тилни агъамиятлыгъын яш наслугъа етишдирейик,–деп узатды ол.

ДР-ни Халкъ Жыйыныны билим беривге ва илмугъа къарайгъан комитетини башчысыны заместители Л. Авшалумованы, Дагъыстанны язывчуларыны союзуну председатели Магъаммат Агъматовну, Дагъыстанны журналистлерини союзуну председатели Али Камаловну ва озгелени сэйлевлеринден сонг Дагъыстанда ана тиллени гъакъында закон къабул этилме герек, къаттыгюнню школаларын ачма герек, яшлар школагъа барып, янгыз ана тилинде гъакълашсын, сэйлесин учун, театрланы актёрларыны кёмеги булан ана тиллерде мультфильмлер чыгъарма тюше; ана тилни яшлар бавларындан башлап гечме де тийишли бола деген таклифлер арагъа чыкъды.

Фестивальны иши, секциялагъа бёлюнюп, сав гюн узатылды.

Яраш БИЙДУЛЛАЕВ.

СУРАТДА: фестивальны

президиуму.